

唐  
音  
統  
籤

戊籤七十五韓偓

之五香  
奩集上

唐音統籤卷

七百  
十三

序

余弱章句信有年矣誠知非丈夫所爲不能忘情  
天所賦也自庚辰辛巳之際迄辛丑庚子之間所  
著歌詩不啻千首其間以綺麗得意者亦數百篇  
往往在士大夫之口或樂工配入聲律粉牆椒壁  
斜行小字竊咏者不可勝記大盜入關細帙都墜  
遷徙不常歟居求生草莽之中豈復以吟諷爲意  
或天涯逢舊識或避地遇故人醉咏之暇時及拙  
唱自爾鳩鵲復得百篇不忍棄捐隨時編錄遐思  
宮體未降稱庾信攻文却請玉臺何必倩徐陵作  
序麓得捧心之態幸無折齒之慙柳巷青樓未嘗  
揀批金閨繡戶始預風流咀五色之靈芝香生九  
竅咽三危之瑞露春動七情如有責其不經亦望  
以功掩過翰林學士承旨行尚書戶部侍郎知制  
誥韓

偓序

四言古詩

春晝

春融艷艷大醉陶陶漏添遲日箭減良宵藤垂戟  
戶柳拂浮橋簾幕燕子池塘伯勞膚清臂瘦衫薄  
香銷楚殿衣窄南朝髻高河南縣遠清波地遙絲  
纒露泣各自無憐

五言古詩

五更

秋雨五更頭桐竹鳴騷屑却似殘春間斷送花時  
節空樓鴈一聲遠屏燈半滅繡被擁嬌寒眉山正  
愁絕

半夜

板閣數樽後至今猶酒悲一宵相見事半夜獨眠  
時明朝牕下照應有髮如絲

七言古詩

南浦

月若半環雲若吐高樓簾卷當南浦應是石城艇  
子來兩漿伊啞過花塢正直連宵酒未醒不宜此  
際兼微雨直教筆底有文星亦應難狀分明苦

寄遠

在岐  
日作

眉如半照

一作月

雲如鬟梧桐葉落敲井乾孤竹亭

亭公署寒微霜淒淒客衣單想佳人兮雲一端夢  
魂悠悠關山難空牀展轉懷悲酸銅壺漏盡開金  
鸞

惆悵

身情常在暗相隨生魄隨君君豈知被頭不暖空  
沾淚釵股欲分猶半疑朗月清風難愜意詞人絕  
色多傷離何如飲酒連千一作年醉席地幕天無所  
知

意緒

絕代佳人何寂寞梨花未發梅花落東風吹雨入

西園銀線千條度虛閣臉粉難勻蜀酒濃口脂易  
印吳綾薄嬌嬌意緒不勝羞願倚郎肩永相著

後魏時相州人作李波小妹歌疑其未備因

補之

北史廣平人李波宗族彊盛殘掠不已  
公弘威惠百姓爲之語曰李波小妹字

雍容褰裙逐馬如卷蓬左射右射必疊雙  
纈女尚如此男子安可逢相州刺史李安  
世設方畧誘波等殺之宋姚寬以爲本辭  
無關開情所補不合然安知當時不別有  
所感托之  
此女子乎

李波小妹字雍容窄衣短袖蠻錦紅未解有情夢  
梁殿何曾自媚妬吳宮誰教牽引知酒味因令悵  
望成春慵海棠花下鞦韆畔背人撩鬢道怱怱

長短句

三憶

憶眠時春夢困騰騰展轉不能起玉釵垂枕稜  
憶行時背手移金雀斂笑慢回頭步轉闌干角  
憶去時向月遲遲行強語戲同伴圖郎聞笑聲

玉合

羅囊繡兩鳳凰玉合雕雙鴻鵠中有蘭膏漬紅葢  
每回拈著長思憶長思憶經幾春人悵望香氛氤  
開緘不見新書跡帶粉猶殘舊指痕

金陵

風雨蕭蕭石頭城下木蘭橈煙月迢迢金陵渡口  
去來潮自古風流皆暗銷才鬼妖魂誰與招綵牋  
麗句徒已矣羅襪金蓮何寂寥

厭花落

厭花落人寂寞果樹陰成燕翅齊西園永日閒高  
閣後堂夾簾愁不卷低頭悶把衣襟撚忽然事到  
心中來四肢嬌人茸茸眼也曾同在華堂宴佯佯  
攏鬢偷迴面半醉狂心忍不禁分明一任傍人見  
書中說却平生事猶疑未滿情郎意錦囊封了又  
重開夜深牕下燒紅紙紅紙千張言不盡至誠無



語傳心印但得鴛衾枕臂眠也任時光都一瞬  
五言律詩

幽牕

刺繡非無暇幽牕自妙歡手香江橘嫩齒軟越梅  
酸密約臨行怯私書欲報難無憑諳鵲語猶得暫  
心寬

馬上見

驕馬錦連乾

一作錢

乘騎是謫仙和裙穿玉鐙隔袖

把金鞭去帶憎騰醉歸因

一作成

困頓眠自憐輪廐

吏餘煖在香韉

欲去

紛紜隔牕語重約踏青期縱得相逢處無非欲去  
時恨深書不盡寵極意多疑惆悵桃源路惟教夢  
寐知

信筆

睡髻休頻攏春眉忍更長整釵梳子重泛酒菊花  
香繡疊昏金色羅揉損研光有時閒弄筆亦畫兩  
鴛鴦

薦福寺講筵偶見又別

見時濃日午別處暮鐘殘景色疑春盡襟懷似酒

蘭兩情含眷戀一餉致辛酸夜靜長廊下誰一作難尋屐齒看

個儂

甚感殷勤意其如阻碍何隔簾窺綠齒映柱送橫波老大逢知少襟懷暗喜多因傾一樽酒聊以慰蹉跎

荷花

鈿扇相欹綠香囊獨立紅浸淫因重露狂暴是秋風逸調無人唱秋塘每夜空何由見周昉移入畫屏中

七言律詩

春盡日

樹頭初日照西簷樹底鶯花夜雨霑外院池亭聞  
動鎖後堂欄檻見垂簾柳腰入戶風斜倚榆莢堆  
墻水半淹把酒送君惆悵在年年三月病厭厭

見花

褰裳擁鼻正吟詩日午墻頭獨見時血染蜀羅山  
躑躅肉紅宮錦海棠梨因狂得病真閒事欲詠無  
才是所悲看却東風歸去也爭教判得最繁枝

青春

唐詩新編  
眼意心期卒未休暗中終擬約秦樓光陰負我難  
相偶情緒牽人不自由遙夜定嫌香蔽膝悶時應  
弄玉搔頭櫻桃花謝梨花發腸斷青春兩處愁

橫塘

秋寒灑背入簾霜鳳脰燈青照洞房蜀紙麝煤添  
筆媚越甌犀液發茶香風飄亂點更籌轉拍送繁  
絃曲破長散客出門斜月在兩眉愁思向橫塘

五更

往來曾約鬱金牀半夜潛身入洞房懷裏不知金  
鈿落暗中惟覺繡鞦香此時欲別魂俱斷自後相

逢眼更狂光景旋消惆悵在一生贏得是淒涼

詠浴

再整魚犀攏翠簪解衣先覺冷森森教移蘭燭一作

燼頻羞影自試一作拭香湯更怕深初似洗一作染花

難抑按終憂沃雪不勝任豈知侍女簾幃外賸取

君王幾餅金

席上有贈

席

矜嚴標格絕嫌猜嗔怒難逢笑眼開小鴈斜侵眉  
柳去媚霞橫接眼波來鬢垂香頸雲遮藕粉着蘭  
胸雪壓梅莫道風流無宋玉好將心力事粧臺

倚醉

倚醉無端尋舊約却令惆悵轉難勝靜中樓閣深  
春雨遠處簾櫳半夜燈抱柱立時風細細逶廊行  
處思騰騰分明牕下聞裁剪敲遍欄干喚不磨

詠手

緩白膚紅玉笋芽調琴抽線露尖斜背人細撚垂  
煙鬢向鏡輕勾襯臉霞悵望昔逢綵繡幔依稀曾  
見托金一作香車後園笑向同行道摘得蘼蕪又一  
叙

擗鼻

擁鼻悲吟一向愁寒更轉盡未回頭綠屏無睡秋  
分簾紅葉傷時月午樓却要因循添逸興若爲趨  
競愴離憂殷勤馮仗官渠水爲到西溪動釣舟

晝寢

碧桐陰靜隔簾櫳扇拂金蛾玉簾烘撲粉更添香  
體滑解衣惟見下裳紅煩襟乍觸冰壺冷倦枕徐  
欹寶髻鬆何必苦勞魂與夢王昌只在此墻東  
偶見背面是夕兼夢

酥凝背胛玉搓肩輕薄紅綃覆白蓮此夜分明來  
入夢當時惆悵不曾眠眼波向我無端艷心火因



君特地燃莫道人生難際會秦樓鸞鳳有神仙

有憶

畫漏迢迢夜漏遲傾城消息杳無期愁腸泥酒人  
千里淚眼倚樓天四垂自笑計狂多獨語誰憐夢  
好轉相思何時斗帳濃香裏分付春風與玉兒

袅娜

袅娜腰肢淡薄粧六朝宮樣窄衣裳着詞但

一作暫

見櫻桃破飛盞遙

一作盈

聞荳蔻香春惱情懷身覺

瘦酒添顏色粉生光此時不敢分明道風月應知  
暗斷腸

多情

天遣多情不自持，多情兼與病相宜。  
蜂偷崖密初嘗處，鶯啄含桃欲咽時。  
酒蕩襟懷微駢駢，春牽情緒更融怡。  
水香剩注金盆裏，瓊樹長須浸一枝。

偶見

千金莫惜旱蓮生

一作買娉婷

一笑從教下蔡傾，仙樹

有花難問種，御香聞氣不知名。  
愁來自覺歌喉咽，瘦去誰憐舞掌輕。  
小疊紅箋書恨字，與奴方便寄卿卿。

閨情

一作夜閨

輕風滴礫動簾鉤宿酒猶酣懶卸頭一作猶自懶  
酣未卸頭

但覺夜深花有露不知人靜月當樓何郎燭一作  
燈

暗誰能詠韓壽香銷一作  
焦亦任偷敲折玉釵歌轉

咽一聲聲入兩眉愁

代小玉家爲蕃騎所虜後寄故集賢裴公相

國

動天金鼓逼神州惜別無心學墜樓不得迴眸辭

傅粉便須含淚對殘秋折釵伴妾埋青塚半鏡隨

郎葬杜郵惟有此宵魂夢裏殷勤相覓鳳池頭

寒食日重遊李氏園亭有懷

往年曾在彎橋上見倩朱欄詠柳綿今日獨來香  
徑裏更無人跡有著錢傷心瀾別三千里屈指思  
量四五年料得他鄉過佳節夢應懷抱暗淒然

戊籤七十五韓偓

之六香奩集下

唐音統籤卷

七十四

五言排律

懶起

百舌惱

一作喚

朝眠春心動幾般枕霞紅黯淡淚粉

玉闌珊籠繡香煙歇屏山燭焰殘暖憐羅襪窄瘦  
覺錦衣寬昨夜三更雨臨明一陣寒海棠花在不  
側臥卷簾看

別緒

別緒靜悄悄牽愁暗入心已迴花渚棹悔聽酒壚  
琴菊露淒羅幙梨霜惻錦衾此生終獨宿到死誓

相尋月好知何計歌闌歎不禁山巔更高處憶上  
上頭吟

春悶偶成十二韻

阡陌懸雲壤欄畦隔艾芝路遙行雨嬾河濶過橋  
遲鴈足應難達狐蹤浪得疑謝鯤吟未廢張碩夢  
堪思有意通情處無言攏鬢時格高歸斂笑歌怨  
在頰眉醉後金蟬重歡餘玉燕歌素姿凌白奈圓  
頰誚紅梨粉字題花筆香牋詠柳詩繡牕攜手約  
芳草踏青期別淚開泉脉春愁罨藕絲相思不相  
信幽恨更誰知

無題三首

并序

余自辛酉歲戲作無題十四韻故奉常王公相國首於繼和故內翰吳侍郎融令狐舍人湊閣下劉舍人崇譽吏部王員外渙相次屬和余因作第二首却寄諸公二內翰及小天亦再和余復作第三首二內翰亦三和王公一首劉紫微一首王小天二首二學士各三首余又倒押舊韻成第四首二學士笑謂余曰謹豎降旗何妍如是也遂絕筆是歲十月末余在內直一旦兵起隨駕西狩文藁咸棄更無子遺丙寅年九月在福建寓止有前東都度支院蘇曄端公鞏余淪落詩藁見授中得無題一首因追味舊作缺忘甚多唯第二第四首彷彿可記其第三首才待數句而已今亦依次編之以俟他時偶獲全本餘五人所和不復憶省矣

小檻移燈地空房鎖隙塵額波風盡日簾匣月侵

晨香辦

一作

更衣後釵梁攏鬢新吉音聞詭計醉

語近天真粧好方長歎歡餘却淺嚙繡屏金作屋  
絲幃玉爲輪致意通綿竹精誠託錦鱗歌凝眉際  
恨酒發臉邊春溪紆殊輕越樓簫豈羨秦柳虛禳  
疹氣梅實引芳津樂府降清唱宮廚減食珍防閑  
襟併斂忍如淚休勾宿飲愁縈夢春寒瘦著人手  
持雙荳蔻的的爲東鄰

碧瓦偏光日紅簾不受塵柳昏連綠野花爛熳清  
晨書密偷看數情通破體新明言終未實暗祝始  
應真枉道嫌偷藥推誠鄙效嚙合成雲五色宜在  
月中輪照獸金塗爪釵魚玉鑲鱗沙瀾三島浪平



遠一樓春墮髻還名壽修娥本姓秦棹尋聞大洞  
槎入飲牛津麟脯隨重釀霜鱗間八珍錦衾霞彩  
爛羅襪研光勻羞澁伴牽伴嬌嬈欲泥人偷兒難  
捉搦慎莫共比鄰

紫蠟融花蒂紅綿拭鏡塵夢狂翻惜夜粧懶厭凌  
晨茜袖啼痕數香牋墨色新

從此  
失記

第四倒押前韻

白

一作  
查

下歸同路烏衣枉作鄰珮聲猶隔箔香氣

已迎人酒勸杯須滿書羞字不勻歌憐黃竹怨味  
實碧桃珍剪燭非良策當關是要津東阿初渡洛

楊惲舊家秦粉化橫波溢衫輕曉霧春鷄黃雙鳳  
翅腸月半魚鱗別袂翻如浪迴腸轉似輪後期纔  
注脚前事又含頰縱有才難詠寧無畫逼真天香  
聞更有瓊樹見長新鬪草長更僕迷闌悞達晨暎  
花判不得檀注惹芳塵

七言排律

妬媒

洞房深閉不曾開橫臥烏龍作妬媒好鳥豈須兼  
比翼翼花何必更重臺難畱旋逐驚鷗去暫見一作  
返如隨急電來多爲過防成後悔偶因翻語得深

猜已嫌刻蠟春宵短最恨鳴珂曉鼓催應笑楚襄  
仙分薄日中長是獨徘徊

六言律

六言三首

春樓處子傾城金陵狎客多情朝雲暮雨會合羅  
襪繡被逢迎華山梧桐相覆蠻江荳蔻連生幽歡  
不盡告別秋河悵望平明

一燈前雨落夜三月盡草青時半寒半暖正好花  
開花謝相思惆悵空教夢見懊惱多成酒悲紅袖  
不乾誰會揉損聯娟淡眉

此間青草更遠不唯空遶汀洲那裏朝日才出還  
應先照西樓憶淚因成恨淚夢遊長續心遊桃源  
洞口來否絳節霓旌久畱

五言絕句

半睡

擡照仍嫌瘦更衣又怕寒宵分未歸帳半睡待郎  
看

早歸

去是黃昏後歸當朧臃時袂衣吟宿醉風露動相  
思

兩處

樓上淡山橫樓前溝水清  
憐山又憐水兩處總牽情

春閨二首

願結交加夢因傾潑灑尊  
醒來情緒惡簾外正黃昏

氤氳帳裏香薄薄睡時粧  
長吁解羅帶怯見上空牀

效崔國輔體四首

淡月照中庭海棠花自落  
獨立俯閒階風動鞦韆

索

酒力滋睡眸  
鹵莽聞街鼓  
欲明天更寒  
東風打牕雨

雨後碧苔院  
霜來紅葉樓  
閒階上斜日  
鸚鵡伴人愁

羅幕生春寒  
繡牕愁未眠  
南湖夜來雨  
應溼采蓮船

七言絕句

宮詞

繡屏斜立正銷魂  
侍女移鐙掩殿門  
燕子不歸花

着雨春風應自怨黃昏

閨怨

時光潛去暗淒涼  
嬾對菱花暈晚粧  
初拆鞦韆人寂寞  
後園青草任他長

聯綴體

院宇明秋日日長  
社前一鴈別遼陽  
隴頭針線年年事  
不喜寒砧擣斷腸

春恨

殘夢依依酒力餘  
城頭鵲鳩伴啼鳥  
平明乍卷西樓幕  
院靜初聞放轆轤

寒食夜

測測輕寒剪剪風  
杏花飄雪小桃紅  
夜深斜搭鞦韆索  
樓閣朦朧細雨中

寒食夜有寄

風流大底是偎偎  
一度相思一斷腸  
雲薄月昏寒食夜  
隔簾微雨杏花香

夏日

庭樹新陰葉未成  
玉階人靜下簾聲  
相風不動烏龍睡  
時有幽禽自喚名

新秋



一夜清風動扇愁背時容色入新秋桃花臉裏汪  
汪淚忍到更深枕上流

日高

朦朧猶認管絃聲噤痒餘寒酒半醒春暮日高簾  
半捲落花和雨滿中庭

夕陽

花前灑淚臨寒食醉裏回頭問夕陽不管相思人  
老盡朝朝容易下西墻

夜深

清江碧草兩悠悠各自風流一種愁正是落花寒

食雨夜深無伴倚空樓

聞雨

香侵蔽膝夜寒輕  
聞雨傷春夢不成  
羅帳四垂紅燭背  
玉釵敲著枕函聲

已涼

愁多却訝天涼早  
思倦翻嫌夜漏遲  
何處山川孤館裏  
向燈彎盡一雙眉

已涼

碧闌干外繡簾垂  
猩色屏風畫折枝  
八尺龍鬚方錦褥  
已涼天氣未寒時

深院

鵲兒啁噉梳黃背鳳子輕盈膩粉腰深院下簾人

晝寢紅薔薇映碧芭蕉

文昌雜錄云古今注蛺蝶大者名鳳子僊詩用此

中庭

夜短睡遲慵早起日高方始出紗幮中庭自摘青梅子先向釵頭帶一雙

遶廊

濃煙隔簾香漏泄斜銚映竹光參差遶廊倚檻更惆悵微雨輕寒花落時

江樓二首

夢啼嗚咽覺無語  
杳杳微微望煙浦  
樓空客散燕交飛  
江靜帆稀日亭午  
鯁魚苦笋香味新  
楊花酒旗三月春  
風光百計牽人老  
爭那多情是病身

重遊曲江

鞭梢亂拂暗傷情  
蹤跡難尋露草青  
猶是玉輪曾碾處  
一泓秋水漲浮萍

偶見

軟纒打困解羅裙  
指點醞醕索一尊  
見客入來和笑走  
手搓梅子映中門

復偶見三絕

霧爲襟袖玉爲冠半似羞人半忍寒別易會難長  
自歎轉身應把淚珠彈

桃花臉薄難藏淚柳

一作挂

葉眉長易覺愁密迹未

成當面笑幾迴擡眼又低頭

半身映竹輕聞語一手揭簾微轉頭此意別人應  
未覺不勝情緒兩風流

遙見

悲歌淚溼淡胭脂閒立風吹金縷衣白玉堂東遙

見後令人評說

一作陡薄

畫楊妃

踏青

踏青會散欲歸時金車久立頻催上收裙整髻故  
遲畱兩點深心各惆悵

忍笑

宮樣梳頭淺畫眉晚來粧飾更相宜水精鸚鵡釵  
頭顫斂袂佯羞忍笑時

不見

動靜防閑又怕疑佯佯脉脉是沈機此身願作君  
家燕秋社歸時也不歸

想得

兩重門裏玉堂前  
寒食花枝月午天  
想得那人垂手立  
嬌羞不肯上鞦韆

密意

呵花貼鬢粘寒髮  
凝酥光透猩猩血  
經過洛水幾多人  
惟有陳王見羅襪

寄恨

秦釵枉斷長條玉  
蜀紙空畱小字紅  
死恨物情難會處  
蓮花不肯嫁春風

鬆髻

髻根鬆慢玉釵垂  
指點庭花又過時  
坐久暗生惆悵

月華新畫  
悵事映人勾却淚燕脂

新上頭

學梳蟬

一作鬆

鬢試新裙消息佳期在此春爲要

一作

愛好多心轉惑遍將宜稱問傍人

半睡

眉山暗淡向殘燈一半雲鬟墜枕稜四體着人嬌  
欲泣自家揉損研線綾

蹤跡

東烏西兔似車輪却笑桑田不復論惟有風光與  
蹤跡思量長似暗消魂



思錄舊詩於卷上凄然有感因成一章

緝綴小詩鈔卷裏尋思閒事到心頭  
自吟自泣無人會腸斷蓬山第一流

病憶

信知尤物必牽情一顧難酬覺命輕  
曾把禪機銷此病破除纔盡又重生

詠柳

暮雨拖風不自持遍身無力向人垂  
玉纖折得遙相贈使似觀音手裏時

哭花

曾愁香結被顏遲今見妖紅委地時  
若是有情爭不哭夜來風雨葬西施

展子

六寸膚圓光緻緻白羅繡屨紅  
託裏南朝天子欠風流却重金蓮輕綠齒

詠鐙

高在酒樓明錦幕遠隨漁艇泊煙江  
古來幽怨皆銷骨休向長門背雨牕

石林葉氏曰世傳香奩集江南韓熙載所爲謨  
沈存中筆談又謂漢相和凝所爲後貴惡其側  
艷媒名於僊亦非也余家有唐吳融詩一集其  
中有和韓致堯無題三首與香奩集中無題韻

正嗣而溫序中亦具載其事又余曾在溫陵於  
匿齋孫明處見倅親書所作詩一卷雖紙墨昏  
淡而字宛然其裏娜多情春盡等詩多在卷中  
此可驗矣倅富於才情詞致婉麗能道人意外  
事固非擬所及據北夢瑣言云凝少年好爲小  
詞今布於汴洛泊作相專令人收拾焚毀契丹  
人寇號爲曲子相公然則凝雖有集名香奩與  
倅同乃浮艷小詞耳安得便以今世所行香奩  
集爲凝作邪許彥周詩話云高秀實言元微  
之詩麗而有骨韓偓香奩集麗而無骨李端  
叔喜倅詩常誦其序明五色云  
云不能已秀實云勸不得也

戊籤七十六

唐音統籤卷

七百十五

鄭谷字守愚袁州人光啓三年擢第遷右拾遺歷都官郎中乾寧四年歸宜春卒于別墅谷詩名盛于唐末人多傳諷號爲鄭都官而弗名也集六卷

唐志雲臺編三卷宜陽集三卷宋志又有外集三卷今所傳蓋雲臺編也自序曰谷勤苦風雅騎竹之年卽有賦咏同年古川守李公朋同官馬博士戴嘗撫頂歎勉謂他日必垂名及冠求試春闈歷干大匠故少師相國太原公深推獎之故薛許昌能李建州頻不以晚輩見待預於唱和之流所得爲多登第之後孜孜忘倦甚於始學喪亂奔離散陸畧盡乾寧初上幸三峯寓上雲臺道舍拾墜補遺編成三百首分爲三卷目之爲雲臺編所不能自負初心非敢矜於作者紀事云谷父與司空圖同官幼年圖見而奇之曰曾吟得丈丈詩否莫有病否曰丈丈曲江晚望斷篇村南斜日閑迴首

一對鴛鴦落渡頭卽深意矣圖歎息撫其背曰當爲一代風騷主又曰咸通中谷與張喬許棠諸人同有詩各稱十哲晁公武曰谷詩屬意頗切於理而格韻凡猥語句浮俚不兢不爲議者所多

五言律詩一

秘閣伴直

秘閣鎖書深牆南列晚岑吏人同野鹿庭木似山林  
澹井寒蕪入迴廊疊蘚侵閑看薛稷鶴共起五湖心

朝謁

捧日整朝簪千官一片心班趨黃道急殿揖紫宸  
深威鳳迴香宸新鶯囀上林小松含瑞露春翠易

成陰

武德殿前  
新栽小松

放朝偶作

寒極放朝天  
忻聞半夜宣  
時安逢密雪  
日晏得高眠  
擁褐同休假  
吟詩賀有年  
坐來幽興在  
松亞小牕前

端居

葉葉下高梧  
端居失所圖  
亂離時輩少  
風月夜吟孤  
舊疾衰還有  
窮愁醉暫無  
秋光如水國  
不語理霜鬚

深居

吾道有誰同  
深居自固窮  
殷勤謝綠樹  
朝夕惠清風  
書滿閑窓下  
琴橫野艇中  
年來頭更白  
雅稱釣漁翁

郊園

相近復相尋  
山僧與水禽  
煙簑春釣靜  
雪屋夜碁深  
雅道誰開口  
時風未醒心  
溪光何以報  
祇有醉和吟

郊野

蓼水菊籬邊  
新晴有亂蟬  
秋光終寂寞  
晚醉有留連  
野濕禾中露  
村閑社後天  
題詩滿紅葉  
何必浣

花牋

中秋

清香聞曉蓮水國雨餘天天氣正得所客心剛悄  
然亂兵何日息故老幾人全此際難消遣從來未  
學禪

搖落

夜來搖落悲桑棗半空枝故國無消息流年有亂  
離霜寒聞鴈早煙渭認帆遲日暮寒聲急邊軍在  
雍岐

水軒



日日狎沙禽。偷安且放吟。讀書老不入。愛酒病還深。  
歎後爲羈客。兵餘問故林。楊花滿床席。搔首度春陰。

池上

池樹愜幽獨。狂吟學解嘲。露荷香自任。風竹冷相敲。  
喪志嫌孤宦。無機愛澹交。仙山如有分。必擬訪三茅。

長安感興

徒勞悲喪亂。自古戒繁華。落日狐兔徑。近年公相家。  
可悲聞玉笛。不見走香車。寂寞墻匡裏。春陰擡

杏花

咸陽

咸陽城下宿往事可悲思未有謀身計頻遷反正  
期凍河孤棹澀老樹疊巢危莫問今行止漂漂自  
不知

曲江

細草岸西東酒旗搖水風樓臺在烟杪鷗鷺下沙  
中翠幄晴相接芳洲夜暫空何人賞秋景興與此  
時同

沙苑

茫茫信馬行不似近都城  
苑吏猶迷路江人莫問  
程聚來千嶂出落去一川平  
日暮客心速愁聞鴈  
數聲

潼關道中

白道曉霜迷籬燈照馬嘶  
秋風滿關樹殘月隔河  
雞來往非無倦窮通豈易齊  
何年歸故社披雨剪  
春畦

奔避

奔避投人遠漂離易感恩  
愁髯霜颯颯病眼淚昏  
昏孤館秋聲樹寒江落照村  
更聞歸路絕新寨敲

荆門

順動後藍田偶作

時丙辰  
初夏月

小諫昇中諫三年侍玉除且

一作直

言無所補浩歎

欲何如宮闕飛灰燼嬪嬙落里閭藍峰秋更碧沾

酒望鑿輿

旅寓洛南村舍

村落清明近鞦韆稚女誇春陰好柳絮月黑見梨  
花白鳥關魚網青帘認酒家幽樓雖自適交友在

京華

登杭州城

一作題樟  
亭驛樓

月  
漢江天外登臨返照聞潮來無別浦木落見他  
山沙鳥晴飛遠漁人夜唱閒歲窮歸未得心逐片  
帆還

遷客

離夜聞橫笛可堪吹鵬鵠雪冤知早晚雨泣渡江  
湖秋樹吹黃葉臘烟垂綠蕪虞翻歸有日莫便哭  
窮途

南游

淒涼懷古意湘浦吊靈均故國經新歲扁舟寄病  
身山城多曉瘴澤國少晴春漸遠無相識青梅獨

問人

江行

漂泊病難任逢人淚滿襟關東多事日天末未歸

心夜雨荆江漲

一作潤

春雲郢樹深殷勤聽漁唱漸

次入吳音

蜀中寓止夏日自贍

展轉歆孤枕風幃信寂寥漲江垂蟠螭驟雨閤芭

蕉道阻歸期晚年加記性銷故人衰颯盡相望在

行朝

峽中寓止二首

荆州未解圍小縣結茅茨強對官人笑偏爲野鶴  
欺江春鋪網濶市晚鬻蔬遲子美猶如此翻然不  
敢悲

傳聞殊不定鑿輅幾時還俗易無常性江清見老  
顏夜船歸草市春步上茶山寨將來相問兒童競  
啓關

峽中

萬重烟靄裏隱隱見夔州夜靜明月峽春寒堆雪  
樓獨吟誰會解多病自淹留往事如今日聊同子  
美愁

錦浦

流落夜淒淒春寒錦浦西  
不甘花逐水可惜雪成泥  
病眼嫌燈近離腸賴酒迷  
憑君囑鶻鳩莫向五更啼

梓潼歲暮

江城無宿雪風物易爲春  
酒美消磨日梅香著莫人  
老吟窮景象多難損精神  
漸有還京望綿州減戰塵

渠江旅思

流落復蹉跎交親半逝波  
謀身非不切言會欲如



何故楚春田廢窮巴瘴雨多引人鄉淚盡夜夜竹枝歌

通川客舍

奔走失前計淹留非本心已難消永夜况復聽秋霖漸解巴兒語誰憐越客吟黃花徒滿手白髮不勝簪

興州東池

南連乳郡流瀾碧浸晴樓徹底千峰影無風一片秋垂楊拂蓮葉返照媚漁舟鑑貌還惆悵難遯兩鬢羞

舟次通泉精舍

江清如洛汭寺好似香山勞倦孤舟裏登臨半日  
閒樹涼巢鶴健巖響語僧閒更共幽雲約秋隨絳

帳還

時谷將之廬  
州省井恩地

遊韋侯城南林墅

韋杜八九月亭臺高下風獨來新霽後閒步澹煙  
中莎軟連池綠柿繁和葉紅主人貪貴達清境屬  
鄰翁

宿澄泉蘭若

山半古招提空林雪月迷亂流分石上斜漢在松

西雲集寒菴宿猿先曉磬啼此心如了了卽此是  
曹溪

題水部李羽員外招國里居

野色入前軒  
脩然琴與樽  
畫僧依寺壁  
栽葦學江村  
自醒花前醉  
誰敲雪裏門  
不辭朝謁遠  
唯要近慈恩

潯陽姚宰廳作

縣幽公事稀  
庭草是山薇  
足得招基侶  
何妨著道衣  
野泉當案落  
沂鷺入衙飛  
寺去東林近  
多應隔宿歸

訪題進士孫秦延福南街居

多病久離索相尋聊解顏  
短牆通御水疎樹出南山  
歲月何難老園林未得還  
無門共榮達孤坐却如閒

訪題進士張喬延興門外所居

平生苦節同旦夕會原東  
掩卷斜陽裏看山落木  
中星霜吟欲老江海業全空  
近日文場內因君起古風

題進士王駕郊居

前山微有雨永巷淨無塵  
牛臥籬陰晚鳩鳴村意

春時浮應寡合道在不嫌貧後徑臨陂水菰蒲是切隣

寄題方干處士

山雪照湖水漾舟湖畔歸松篁調遠韻臺榭發清輝野岫分開徑漁家並掩扉暮年詩力在析一作新句更幽微

題嵩高隱者居

豈易訪仙蹤雲蘿千萬重他年來卜隱此景願相容亂水林中路深山雪裏鐘見君琴酒樂迴首興何慵

書村叟壁

草肥朝牧牛桑綠晚鳴鳩  
列岫簷前見清泉碓下流  
春蔬和雨割社酒向花簪  
引我南陂去離邊有小舟

張谷田舍

一作儲光義詩者誤

縣官清且儉深谷有人家  
一徑入寒竹小橋穿野  
花碓喧春澗滿梯倚綠  
桑斜自說年來稔前村酒  
可賒

終南白鶴觀

步步景通真門前眾水分  
樅蘿諸洞合鐘磬上清

閨古木千尋雪寒山萬丈雲終期掃壇級來事紫  
陽君

題興善寺

寺在帝城陰清虛勝二林蘚侵隋畫暗茶助越甌  
深巢鶴和鐘喚詩僧倚錫吟煙莎後池水前跡杳  
難尋

十才子詩集多有興善寺後池  
之作今寺在池無每用追歎

題興善寺寂上人院

客來風雨後院靜似荒涼罷講蛩離砌思山葉滿  
廊臘高興故疾爐煖發餘香自說匡廬側杉陰宇  
石牀

題莊嚴寺休公院

秋深庭色好紅葉間青松病客殊無著吾師甚見容  
踈鐘和細溜高塔等遙峰未省求名侶頻於此地逢

喜秀上人相訪

雪初開一徑師忽扣雙扉老大情相近林泉約共歸  
愛棲省署孤僻謝朝衣他夜松堂宿論詩更入微

酬王駕校書山居忽聞結綬見寄之作

直應歸諫署方肯別山村勤苦常同業孤單共感



恩醉披仙鶴  
蹙陰扣野僧  
門夢見君高  
趣天涼自  
灌園

次韻和秀上人遊南五臺

中峰曾到處  
題記沒蒼苔  
振鐺傳深谷  
翻經想舊  
臺  
蒼松臨砌偃  
驚鹿驀溪來  
內殿評詩切  
師以文章應制  
身迴心未迴

余嘗有雪景一絕爲人所諷吟  
段贊善小筆  
精微忽爲圖畫以詩謝之

贊善賢相後  
家藏名畫多  
留心於繪素  
得意在煙  
波  
屬興同吟詠  
成功更琢磨  
愛余風雪句  
幽絕寫

漁簑

賀進士駱用錫登第

苦辛垂一紀擢第却沾裳春榜到春晚一家榮一  
鄉題名登塔喜醪宴爲花忙好是東歸日高槐藥  
半黃

贈富平李宰

夫君清且貧琴鶴最相親簡肅諸曹事安閒一境  
人陵山雲裏拜渠路雨中巡易得連宵醉千鈺石  
凍春

贈劉神童

六歲及第

習讀在前生簡談足可明還家雖解喜登第未知

榮時果曾沾賜上召於便殿親試春闈不掛情燈

前猶惡睡寐語讀書聲按太平廣記勿敏部載劉

第時誤童為授御盤果實賜之左右侍臣昔有美色

惜不其各耳

贈文士王雄

知己竟何人哀君尚苦辛圖書長在手文學老於

身公道天難廢貞姿玉在真小齋松菊靜願卜子

為鄰

贈泗口苗居士

歲晏樂園林維摩契道心江雲寒不散庭雪夜方  
深酒勸漁人飲詩憐稚子吟四郊多壘日勉我拾  
朝簪

蔡處士

無著復

一作更

無求平生不解愁鬻蔬貧淨潔中酒

病風流旨趣陶山相詩篇沈隱侯小齋江色裏籬  
柱繫漁舟

信美寺岑上人

巡禮諸方遍湖南頗有緣賀春老僧寺乞食向江  
船紗碧籠名畫燈寒照汗禪我來能永日蓮漏滴

堦前

贈圓昉公

昉蜀僧信宗幸蜀昉堅免紫衣

天堦讓紫衣冷格鶴猶卑道勝嫌名出身閒覺老  
遲晚香延宿火寒磬度高枝長說長松寺他年與  
我期

贈尚顏上人

相尋喜可知放錫便論詩酷愛山兼水唯應我與  
師風雷吟不覺猿鶴老爲期近輩唯棲白其如趣  
向卑

戊籤七十六鄭谷之二

唐音統籤卷

七百十六

五言律詩二

寄左省韋起居序

風神何蘊籍張緒正當年  
端簡鑪香裏濡毫洞案  
邊飾裝無兩備著述減  
春眠旦夕應融入銀臺  
曉候宣

府中寓止寄趙太諫

老作含香客貧無餽舍錢  
神州容寄跡大尹是同  
年密邇都忘倦乖慵益  
見憐雪風花月好中夜  
便招延

片言集  
寄司勳張員外學士

平昔偏知我，司勳張外郎。  
昨來聞倅擾，憂甚欲顛狂。  
煙暝搔愁鬢，春陰賴酒鄉。  
江樓倚不得，橫笛數聲長。

寄膳部李郎中昌符

鄴郊陪野步，早歲偶因詩。  
自後吟新句，長愁減舊知。  
靜燈微落燼，寒硯旋生澌。  
夜夜冥搜苦，那能鬢不衰。

偶懷寄臺院孫端公啓

才拙道仍孤，無何捨釣徒。  
班雖沾玉笋，香不近金

爐雨露瞻雙闕煙波隔五湖唯君應見念曾共伏

青蒲

答與孫端公  
同在諫垣

寄察院李侍御文矩

古栢間松篁清陰在印牀宿郊虔點饌秋寺靜盥  
香叅集行多憚風儀見卽莊佇聞橫壁去帷集諫

書囊

駐蹕華下同年司封員外從翁許共遊西溪

久違前契戲成寄贈

北渚牽吟興西溪爽共游指期承禁馬

故事初入  
內庭恩借

飛龍馬

無暇狎沙鷗縱目懷青島澄心想碧流明公

唐音統籤

卷七百十六

二

戊



非不愛應待泛龍舟

巴賓旅寓寄朝中從叔

驚秋思浩然信美向巴天獨倚臨江樹初聞落日  
蟬衰榮悲往事漂泊念多年未便甘休去吾宗盡  
見憐

從叔郎中誠輟自秋曹分符安陸屬羣盜倡  
熾流毒江壩竟以援兵不來城池失守例削  
今任却叙省銜退居荆漢之間頗得琴樽之  
趣因有寄獻

華省稱前任何慙削一麾滄洲失孤壘白髮出重

園苦節翻多難空山自喜歸悠悠清漢上漁者日相依

李夷遇侍御久滯水鄉因抒寄懷

簪豸年何久懸帆興甚長江流愛吳越詩格愈齊梁  
竹寺晴吟遠蘭洲晚泊香高閒徒自任華省待爲郎

寄前水部賈員外嵩

謝病別文昌仙舟向越鄉貴爲金馬客雅稱水曹郎  
白鷺同孤潔清波共渺茫相如辭賦外騷野趣何長

顏惠詹事卽孤妣舅氏謫官黔巫舟中相遇  
愴然有寄

猶子在天末念渠懷渭陽巴山偶會遇江浦共悲  
涼謫宦君何遠窮游我自強瘴村三月暮雨熟野  
枌黃

寄南浦謫官

多才翻得罪天末抱窮憂白首爲遷客青山遶萬  
州醉歆梅障晚一作曉歌厭竹枝秋望闕懷鄉淚荆  
江水共流

南康郡牧陸肱郎中辟許棠先輩爲郡從事

因有寄贈

末路思前難，猶爲戀故巢。  
江山多勝境，賓主是貧交。  
飲舫閒依葦，琴堂雅結茅。  
夜清僧伴宿，水月在松梢。

寄邊上從事

男兒懷壯節，何不事嫖姚。  
高壘觀諸寨，全師獲大朝。  
淺山寒放馬，亂火夜防苗。  
下第森愁甚，勞君遠見招。

寄贈藍田韋少府先輩

王畿第一縣，縣尉是詞人。  
館殿非初意，圖書是舊

唐詩集卷之八  
貧斫永泉竇響賽雪廟松春自此升通籍清華日  
通一作身

聞進士許郴罷舉歸睦州悵然懷寄

桐廬歸舊廬垂老復樵漁吾子雖言命鄉人懶讀  
書煙舟撐晚浦雨屐翦春蔬異代名方振哀吟莫  
廢初

梁燭處士辭金陵相國杜公歸舊山因以寄  
贈

相庭留不得江野有苔磯兩浙尋山徧孤舟載鶴  
歸世間書讀盡雲外客來稀諫署搜賢急應難措

借一作  
布衣

長安夜坐懷寄湖外嵇處士

萬里念江海浩然天地秋  
風高羣木落夜久數星  
流鐘絕分宮漏螢微隔御溝  
遙思洞庭上葦露滴  
漁舟

聞所知遊樊川

誰無泉石趣朝下少同過  
貪勝覺程近愛閒經宿  
多片沙留白鳥高木引青蘿  
醉把魚竿去殷勤籍  
岸莎

久不得張喬消息有寄

月  
天末去程孤  
泝淮復向吳  
亂離何處甚  
安穩到家  
無樹盡雲垂  
野檣稀月滿  
湖傷心遶村路  
一作落  
應  
少舊耕夫

寄碁客

松窓楸局穩  
相顧思皆凝  
幾局賭山果  
一先饒海  
僧覆圖聞夜  
雨下子對秋  
燈何日無  
騎束期君向  
杜陵

寄懷元秀上人

悠悠千祿利  
草草廢漁樵  
身世堪惆悵  
風騷頗寂寥  
高秋期野步  
積雨放輕朝  
得句如相憶  
莎齋且

見招

贈別

南遊曾共遊相別倍相留行色迴燈曉離聲滿竹

一作笛

秋穩眠彭蠡浪好醉岳陽樓明日逢佳景爲

君成白頭

別同志

所立共寒苦平生同與游相看臨遠水獨自上孤  
舟天澹滄浪晚風悲蘭杜秋前程吟此景爲子上  
高樓

送祠部曹郎中鄴出守洋州



爲儒欣出守上路亦戎裝舊制詩多諷分憂俗必  
康開懷江稻熟寄信露橙香郡閣清吟夜寒星識  
望郎

送水部張郎中彥回宰洛陽

何遜蘭休握陶潛柳正垂官清真塞詔事簡好吟  
詩春漏懷丹闕涼船泛碧伊已虛西閣位朝夕鳳  
書追

送許棠先輩之官涇縣

白頭新作尉縣在古山中高第能卑宦前賢尚此  
風蕪湖春蕩漾梅雨晝溟濛佐理人安後篇藻實

廢功

送司封從叔員外微赴華州裴尚書均辟

如何拋錦帳蓮府對蓮峰舊有雲霞約暫留鵷鷺  
蹤敷溪秋雪岸樹谷夕陽鐘盡入新吟境歸朝興  
莫慵

送徐渙端公南歸

青襟離白社朱紱始言歸此去多應羨初心盡不  
違江帆和日落越鳥近鄉飛一路春風裏楊花雪  
滿衣

送太學顏時明經及第東歸

平楚干戈後田園失偶耕艱難登一第離亂省諸  
兄樹沒春江漲人繁野渡晴閒來思學館猶夢雪  
窓明

送進士許柳

泗上未休兵壺關事可驚流年催我老遠道念君  
行殘雪臨晴水寒梅發故城何當食新稻歲稔又  
時平

送進士盧啓東歸

灞岸草淒淒離腸我獨携流年俱老大失意又東  
西曉楚山雲滿春吳水樹低到家梅雨歇猶有子

規啼

送京叅翁先輩歸閩中

解印東歸去人情此際多名高  
五七字道勝兩重科宿館明寒燭  
吟船兀夜波家山春更好越鳥在  
庭柯

送舉子下第東歸

夫子道何孤青雲未得途詩書難  
捨魯山水暫游吳野綠梅陰重江  
春浪勢麤秣陵兵役後舊業半  
成蕪

送進士趙能卿下第南歸

不歸何慰親歸去舊風塵洒淚慙關吏無書對越人  
遠帆花月夜微岸水天春莫便隨漁釣平生已  
苦辛

送人之九江謁郡侯苗員外紳

澤國尋知己南浮不偶游  
湓城分楚塞廬岳對江  
州曉飯臨孤嶼春帆入  
亂流雙旌相望處月白  
庾公樓

送人遊邊

春亦怯邊遊此行風正秋  
別離逢雨夜道路向雲  
州積樹藏城遠河沙漾  
日流將軍方破虜莫惜

良籌

谷自罹亂之後在西蜀半紀之餘多寓止精舍與圓昉上人爲淨侶昉公於長松山舊齋嘗約他日訪會勞生多故游宦數年曩契未諧忽聞謝世愴吟四韻以弔之

幾思聞淨話雨夜對禪牀未得重相見秋燈照影堂孤雲終負約薄宦轉堪傷夢繞長松塔遙聞一炷香

續

蜀江有吊

僖宗幸蜀時田令孜用事左拾遺孟昭圖疏論之令孜矯貶嘉州司

戶使人沉之墓願

津事見令孜傳

孟子有良策惜哉今已而徒將心體國不識道消  
時折檻未爲切沉湘何足悲蒼蒼無問處煙雨徧  
江蘼

哭建州李員外頻

令終歸故里末歲道如初舊友誰爲誌清風宣易  
書雨墳生野蕨鄉奠釣江魚獨夜吟還泣前年伴  
直廬

哭進士李洞

所惜絕悲聲不悲君不榮李端終薄宦賈島得高  
名旌葬新墳小遺孤遠俗輕猶疑隨計晚昨夜草

蟲鳴

其二

奉生醮愛買浪仙詩長江在東蜀境內與仙塚于此處

自聞東蜀病唯我獨關情若近長江死想君勝在  
生瘴蒸丹旆濕燈隔素帷清塚樹僧栽後新蟬一  
雨聲

夕陽

夕陽秋更好歛歛蕙蘭中極浦明殘雨長天急遠  
鴻僧窓留半榻漁舸透疎蓬莫恨清光盡寒蟾卽  
照空

峩眉雪



萬仞白雲端經春雪未殘夏消紅峽滿晴照蜀樓  
寒造境知僧熟歸林認鶴難會須朝謁去祇有畫  
圖看

江梅

江梅且緩飛前輩有歌詞莫惜黃金縷難忘白雪  
枝吟看歸不得醉喚立如癡和雨和煙折含情寄  
所思

杏花

不學梅欺雪輕紅照碧池小桃新謝後雙燕却來  
時香屬登龍客煙籠宿蝶枝臨軒須貌取風雨易

離披

荔枝

平昔誰相愛驪山遇貴妃枉教生處遠愁見摘來  
稀曉奪紅霞色晴欺瘴日威南荒何所戀爲爾卽  
忘歸

水林檎花

一露一朝新簾籠曉景分艷和蜂蝶動香帶管絃  
聞笑擬春無力粧濃酒漸醺直疑風起夜飛去替  
行雲

蓼花

蔌蔌復悠悠年年拂漫流  
差池伴黃菊冷淡過清秋  
晚帶鳴蟲急寒藏宿鷺愁  
故溪歸不得憑仗繫漁舟

趙璘郎中席上賦蝴蝶

尋艷復尋香似閒還似忙  
煖烟沉蕙徑微雨宿花房  
書幌輕隨夢歌樓悞採粧  
王孫深屬意繡入舞衣裳